



Մ Ա Յ Ր Ա Թ Ո Ռ Ո Ւ Մ

Հոմարի 13-ին, Տիրոջ անվանակոչության օրը, Մայր Աթոռ Ս. Էջմիածնում, Ավագ սեղանի վրա մատուցվեց հանդիսավոր սուրբ պատարագ: Ներկա էր հավատացյալների մեծ բազմություն: Սուրբ պատարագը մատուցեց Մայր Աթոռի միաբան բարձրապատիվ Ս. Գեորգ վարդապետ Վաթյանը:

Հոմարի 14-ին, Ս. Հովհաննու Կարապետի ծննդյան տոնի կապակցությամբ, Մայր Տաճարում մատուցվեց սուրբ պատարագ: Պատարագիչն էր բարձրապատիվ Ս. Գեորգ վարդապետ Վաթյանը:

Հոմարի 28-ից մինչև փետրվարի 11-ը Հոգևոր Ճեմարանում անց կացվեցին սաների ուսումնական տարվա առաջին կիսամյակի ընթացքում ցուցաբերած ուսումնական առաջադիմության ստուգողական աշխատանքները: Ստուգման արդյունքները դոհացուցիչ են:

Փետրվարի 11-ին Մայր Աթոռ Ս. Էջմիածին այցելեց խաղաղության կողմնակիցների ֆինլանդական պատգամավորությունը, որի կազմում կային հասարակական գործիչներ, գրողներ, արվեստագետներ և հոգևորականություն: Ներկայացուցիչներ: Պատգամավորությունը գլխավորում էր հովիվ Արմաս Տոլսանը:

Հյուրերին վանքի բակում շերմորեն ընդունեցին գերաշնորհ Ս. Սահակ եպիսկոպոս Տեր-Հովհաննիսյանը, բարձրապատիվ Ս. Գեորգ վարդապետ Վաթյանը և մի քանի այլ միաբաններ: Հյուրերը առաջնորդվեցին Մայր Տաճար, որի կառուցվածքի, ճարտարապետության և մանրանկարչության մասին ման-

րակրկիտ բացատրություններ տվեց գերաշնորհ Ս. Սահակ եպիսկոպոսը: Հյուրերը մանրամասն բացատրություններ լսեցին նաև Տաճարին կից եկեղեցա-հնագիտական թանգարանում:

Ապա հյուրերը այցելեցին Վեհարան, ուր նրանց ցույց տրվեցին այնտեղ պահվող մի շարք գեղարվեստական իրեր: Հյուրերը, դիտելով 17-րդ դարի հայ նկարիչ-բանաստեղծ Նաղաշ Հովնաթանի մանրանկարչական նուրբ արվեստը, որով նկարագրված է Վեհարանի Մազկյա դահլիճի առաստաղը, հայտնեցին իրենց հիացմունքը:

Վերջում հյուրերը իրենց շնորհակալությունները հայտնեցին Ս. Էջմիածնի միաբանությանը՝ ցույց տրված սիրալիր ընդունելության համար:

Փետրվարի 14-ին, կիրակի օրը, Տյառնընդ-առաջի տոնակատարության առթիվ, Մայր Տաճարում Ավագ սեղանի վրա մատուցվեց հանդիսավոր սուրբ պատարագ: Տաճարը լիքն էր ուխտավորների բազմությամբ: Օրվա պատարագիչն էր բարեկրոն Ս. Նահապետ աթեղա Մուրադյանը:

Փետրվարի 19-ին Մայր Աթոռ Ս. Էջմիածին այցելեցին եղբայրական Վրացական ռեսպուբլիկայի մայրաքաղաք Թբիլիսիի Պետական համալսարանի մի շարք դասախոսներ և ուսանողներ: Այցելուները մեծ հետաքրքրությամբ դիտեցին Մայր Տաճարը իր հնադարյան եկեղեցական իրերով ու սպասներով հանդերձ, եղան եկեղեցա-հնագիտական թանգարանում: Հյուրերին բացատրություններ էր տալիս Մայր Տաճարի ավագ լուսարար բարձրապատիվ Ս. Գեորգ վարդապետ Վաթյանը:

Փետրվարի 20-ին, շաբաթ օրը, Երևանի Ս. Հովհաննես եկեղեցում, Վեհափառ Հայրապետի բարեհաճ կարգադրությամբ, Մայր Աթոռի միաբան գերաշնորհ Ս. Սահակ եպիսկոպոս Տեր-Հովհաննիսյանը սարկավազ ձեռնադրեց Կիլիկիո Կաթողիկոսության Անթիլիասի Դպրեվանքի ընթացավարտ սան, Ս. Հովհաննես եկեղեցու դպրապետ Սարգիս Անդրեասյանին: Հաջորդ օրը սրբազան հայրը սարկավազ Սարգիս Անդրեասյանին և նրա հետ Սարկավազ Հովհաննես Կարապետյանին (Երուսաղեմի ժառանգավորաց վարժարանի ընթացավարտ) ձեռնադրեց քահանա պահելով նրանց անունները:

Ձեռնադրության ժամանակ խարտավիրակություն էր անում Մայր Աթոռի միաբան բարեկրոն Ս. Հակոբ քահանա Հակոբյանը: Ներկա էր հավատացյալների հոծ բազմություն: Օծումից հետո սրբազանը հակիրճ բարոյ խոսեց հետևյալ բնաբանով. «Քանհալա՛յք քո զգեցցին զարդարութիւն և սուրբ՛ Բն ցնծալով ցնծացեն»: Նա բնորոշեց այն սուրբ և վեհ պարտականությունները, որ դրվում են քահանայի վրա: Սրբազանը խրատեց նորընծա քահանաներին՝ հավատարիմ լինել իրենց ուխտին:

Իրենց բառատունքը անց կացնելուց հետո, նորընծա քահանաները կնշանակվեն իրենց պաշտոններին՝ համապատասխան եկեղեցիներում:

Փետրվարի 21-ին, կիրակի օրը, Մայր Տաճարում մատուցվեց սուրբ պատարագ: Պատարագին էր Ս. Մկրտիչ քահանա Մկրտչյանը: Սուրբ պատարագը, հարազատների ցանկությամբ, նվիրված էր 1953 թվականի փետրվարի 19-ին վախճանված հոգի-

ւույս Ս. Վարդան քահանա Վարդերեսյանի տարեկիցի հիշատակին: Հավուր պատշաճի բարոյ խոսեց բարձրապատիվ Ս. Գեորգ վարդապետ Վաթյանը, որը դրվատեց հանդուցյալ քահանայի հոգեկան բարեմասնությունները, բնորոշելով նրան որպես հայ քահանայության տիպարի: Վերջում կատարվեց հոգեհանգիստ միաբանության մասնակցությամբ, իսկ հավարտ ժամակարգության տեղի ունեցավ գերեզմանօրհնեք հանգուցյալի դամբանի վրա, որը գտնվում է Ս. Գալանեի վանքի բակում:

Փետրվարի 25-ին Մայր Աթոռ Ս. Էջմիածնում մեծ շուքով տոնվեց «Սրբոց Վարդանանց զօրավարաց հազար երեսուն և վեց վկայից» տոնը: Մայր Տաճարը լիքն էր հավատացյալների խումն բազմությամբ: Ավագ սեղանի վրա մատուցվեց սուրբ պատարագ: Պատարագին էր բարեկրոն Ս. Կոստանդին արքեպիսկոպոս Ս. Վաթյանյանը: «Հայր մեր»-ից առաջ Մայր Աթոռի ավագագույն միաբաններից գերաշնորհ Ս. Սահակ եպիսկոպոս Տեր-Հովհաննիսյանը հավուր պատշաճի բարոյեց: Սրբազան հայրը հակիրճ, բայց պատկերավոր ոճով բնորոշեց Վարդանանց խոշոր դերը հայոց պատմության մեջ: «Վարդանանք, —ասաց նա,— նահատակվեցին Հայրենիքի և Ս. Եկեղեցու նվիրական գաղափարների պաշտպանության համար: Դարերով հայ ժողովուրդը չի մոռացել և չի մոռանա իր ազատության, իր անկախության համար մարտնչողներին: Հայոց Եկեղեցին նրանց սրբերի կարգն է դասել մատուցելով ամեն տարի սուրբ պատարագ նրանց հիշատակին»: Սուրբ պատարագից հետո, ամբողջ միաբանության մասնակցությամբ, կատարվեցին հոգեհանգստյան սրբազան արարողություններ՝ Ս. Վարդանանց հազար երեսունվեց վկաների հիշատակությամբ:

